

### বাংলাদেশী নুতন রাষ্ট্রদূত এসেছেন

অষ্ট্রেলিয়ার রাজধানী ক্যানবেরাস্থ বাংলাদেশী দূতাবাস থেকে কর্ণফুলী'র দপ্তরে নুতন রাষ্ট্রদূতের যোগদান বিষয়ে একটি প্রেস বিজ্ঞপ্তি পাঠানো হয়েছে। উক্ত বিজ্ঞপ্তির সার-সংক্ষেপে জানা গেছে যে, গত ২০ জুলাই ২০০৬, বৃহস্পতিবার সকালে নবাগত বাংলাদেশী রাষ্ট্রদূত জনাব এম. হুমায়ুন কবীর ক্যানবেরার শাহী দরবারে (গভার্নমেন্ট হাউজ) কমনওয়েলথ অব অষ্ট্রেলিয়ার গভর্নর জেনারেল মহামান্য মেজর জেনারেল (অবঃ) মাইকেল জেফরী এর কাছে তাঁর আনুষ্ঠানিক পরিচয়পত্র পেশ করেন। নবাগত রাষ্ট্রদূত জনাব কবীরকে অষ্ট্রেলিয়ার বিদেশ বিভাগের (DFAT) একজন উর্দ্ধতন কর্মকর্তা ও চীফ অব প্রোটকল শ্রী নোয়েল ক্যম্বেল সাদর সম্ভাষণ জানান।

মহামান্য গভর্নর জেনারেল বাংলাদেশের মাননীয় রাষ্ট্রদূত জনাব হুমায়ুন কবীরকে অত্যন্ত আন্তরিকতার সাথে সম্বর্ধনা জানান এবং অষ্ট্রেলিয়াতে নিজ দেশের ন্যস্ত পবিত্র দায়িত্ব সঠিকভাবে পালন করার জন্যেও তিনি আশির্বাদ করেন। মহামান্য গভর্নর জেনারেলের সাথে জনাব কবীর তার দেশের মাননীয় রাষ্ট্রপতি ও প্রধানমন্ত্রীর শুভেচ্ছাবার্তা লেনদেন করেন।

মহামান্য গভর্নর জেনারেল বাংলাদেশে বর্তমান নারী সম্প্রদায়ের স্বাবলম্বিতা, শিক্ষা, খাদ্যাভাব ও প্রাকৃতিক দুর্যোগ মোকাবেলা বিষয়ে কার্যকরী পদক্ষেপ নেয়ার জন্যে নুতন রাষ্ট্রদূতের কাছে তাঁর দেশের ভূয়সী প্রশংসা করেন। পারস্পরিক স্বার্থরক্ষা করে দ্বিপাক্ষিক চুক্তি সম্পাদনের মাধ্যমে ভবিষ্যতে উভয় দেশের কুটনৈতিক ও তেজারতি সম্পর্ক আরো উত্তোরত্তর বৃদ্ধি পাবে বলে মহামান্য গভর্নর জেনারেল তাঁর আন্তরিক আশা ব্যক্ত করেন।

মাননীয় রাষ্ট্রদূত জনাব এম. হুমায়ুন কবীর ও তাঁর স্ত্রী রোকেয়া কবীরকে দেয়া উক্ত সম্বর্ধনা অনুষ্ঠানে সপত্নীক গভর্নর জেনারেল সহ অষ্ট্রেলিয়ার বিদেশ বিভাগের অনেক গন্যমান্য ব্যক্তি উপস্থিত ছিলেন। অনুষ্ঠান শেষে বাংলাদেশের নুতন রাষ্ট্রদূতের সম্মানে মহামান্য গভর্নর জেনারেল আগত সকল অতিথিদেরকে শাহী দরবারে (গভার্নমেন্ট হাউজ) দ্বিপ্রহরের আহ্বারে আপ্যায়িত করেন।

### সিডনীতে একটি নুতন ওয়েবসাইট

সিডনীতে নবপ্রতিষ্ঠিত বাংলা-শিক্ষা ও সাংস্কৃতিক সংগঠন 'বাংলা একাডেমী'র পরিচালক ও বিশিষ্ট সাংস্কৃতিক্রেমী আনোয়ার আকাশ প্রবাসী বাংলাদেশীদের জন্যে অতিসত্তর একটি নুতন অনলাইন পত্রিকা আন্তর্জাল বাজারে ছাড়বেন বলে কর্ণফুলীকে ফোন করে গত পরশু (২০/০৭/২০০৬) জানালেন। তার সাথে থাকছেন সিডনীবাসী একদল মেধাবী, উচ্ছল বাঙালী তরুন ও সাহিত্যমোদী ব্যক্তিত্ব। আসন্ন প্রকাশনার নাম দিয়েছেন 'অনিন্দ্য ডট কম'। সম্পূর্ণ HTML এ বুনন করা অত্যন্ত সাদামাটা এই ওয়েবসাইটটির নয়নকাড়া সৌন্দর্য সহজেই পাঠকদের আকৃষ্ট করবে বলে আশা করা যায়। দেশ (অষ্ট্রেলিয়া) ও বিদেশের

(বাংলাদেশ) নানাবিধ সংবাদ ছাড়াও বাঙলা সাহিত্যের ছড়াছড়ি থাকবে এই নবাগত অনলাইন পত্রিকাটিতে। জনাব আনোয়ার আকাশের এ উদ্যোগ সিডনী তথা বিশ্বের বাংলাভাষীদের আন্তরিক চাহিদার বুড়িতে আরো একটি সু-ফল যোগ হবে বলে অনেকে আশা ব্যক্ত করেছেন। যেকোন মন্তব্য ও পরামর্শের জন্যে জনাব আকাশকে সরাসরি ফোন বা ইমেইল করার জন্যে প্রার্থনা জানিয়েছেন।

## ল্যাকেশা বাংলা স্কুলের চড়ুইভাতি

আগামীকাল রোববার (২৩/০৭/২০০৬) সিডনীস্থ ল্যাকেশা আবাসিক এলাকার বাংলা স্কুলে চড়ুইভাতি উদযাপিত হতে যাচ্ছে। একই সাথে শিশু-কিশোরদের নিয়ে কিছু খেলাধুলা ও বুদ্ধি-যাচাই প্রতিযোগিতার ও আয়োজন করা হয়েছে। সকাল ১০টা থেকে অনুষ্ঠানস্থলে জনসমাগম শুরু হবে বলে স্কুল কর্তৃপক্ষ কর্ণফুলীকে জানিয়েছেন। আগ্রহী সকল অতিথিদেরকে সমন্বয়কারী পাত্রদ্বয় আবুল কালাম খান ও জামিল হোসেনকে ফোন করে তাদের উপস্থিতির কথা জানাবার জন্যে অনুরোধ করা হয়েছে। চড়ুইভাতির, স্থান, কাল ও আয়োজক পাত্রদের বিস্তারিত সংক্ষিপ্তভাবে নীচে দেয়া হলো:

**স্থান:** Gough Whitlam Park  
Cnr. of Bayview Av. & Bamboo Av.  
Undercliffe, NSW 2206

**কাল:** ২৩ জুলাই, রোববার, সকাল ১০টা

**পাত্র:** চড়ুইভাতি ও খেলাধুলা সমন্বয়কারী -

আবুল কালাম খান (দুরালাপনি: ০৪০২২৫৫৬৩৬ / ৯৭০৩২০২৭)

জামিল হোসেন (দুরালাপনি: ০৪১৮৪৫১০২২)

উক্ত চড়ুইভাতিতে সিডনীর সকল প্রবাসী বাংলাদেশীদেরকে সানন্দে উপস্থিত হওয়ার আমন্ত্রণ জানিয়েছেন বাংলা স্কুল কমিটির সভাপতি জনাব আবদুল ওহাব (মো: ০৪৩৩৪১১৬১৩) ও সাধারণ সম্পাদক জনাব কারার তসলিম (মো: ০৪২২৭৩২৯০০)। আরো বিস্তারিত জানার জন্যে সকলকে নিম্নলিখিত ব্যক্তিত্বদের সাথে যোগাযোগ করার জন্যে অনুরোধ করেছেন।

Farooq Hannan 0412355448, Masood Chowdhury 0433211668  
M. Shah Alam 0422744888, M. A. Salam 0425778494  
Wohab Miah 0413804765, Saleh Rosul 0421156357, Sikder  
Rahman 97597724, Gausul Alam 97590199

কর্ণফুলী'র প্রবাস কড়চা